

Neky Di'ibü Paäblü

Tyuknigajx Ja Filemón

¹Uj Paäblü. Tsimdsyunaabyüts müt kots ngajxwa'xy ja Jesukristü 'yayuk. Uj esü nmägu'uk'ajtüm Timotee nduknigáxtüsü tyädu neky mij, mümäduumbü, mägu'uk Filemón, ²es yü Jesukristü myäduumbüty di'ibü naymyujkädüp mä mdükj, éxtüm nmägu'uk'ajtüm Apyü esü Arkipü, di'ibü mütut nmädu'unüm ja Jesukristü. ³Wa'an ja Dios Teety esü Nindsün'ajtüm Jesukristü mgunu'xädu nidägekyü miidsüty, es mmo'oyudu ja agujk'ajt jotkujk'ajtün.

Filemongü tsojkuun esü myäbäjkü

⁴Kots ngajxta'aky, dü'äñümits njä'aygyüda'aky ja Dios mijtskyüjxm, ⁵müt kots tu nmädoj wi'ix xymyubeky ja Nindsün'ajtüm Jesús es ko xytsyeky pánaty Diosü jya'a'ajtypy. ⁶N'amdeebyüts ja Dios es dü'äñüm x'uxta'ayut wi'ixü ja'ay xtyuknijåwüdüt ja di'ibü nmäbäjkü, esü dü'un xywyinmädooodä'ayut tugekyü ja oy'ajtün di'ibü nmädajtüm ja'agyuüjxm ko til'igüü n'ijtüm mädu Kristü. ⁷Jotkujküts es xondákpüts müt ja mdsojkü, ja'a ko müt mij mägu'ugítu, ja Diosü jya'ayüty tu 'yaguik jyotkujkädu.

Paäblü ja Filemón t'amdoj ja may'ajtün müt ja Onésimükyüjxm

⁸Paäty mädu tyaadü, oy éxtümü Jesukristü 'yapóstulu xypyátpüts es nduk'ana'amüts di'ibü mdíñüp, ⁹njamänu'xta'agaampy tsojkuungyüjxm. Uj Paäblü, mäjjä'ayñüts es tyámüts ndsimdsyüanü müt kots nmädün ja Jesukristü, ¹⁰n'amdeepy tu'ugü may'ajtün müt yü'ügyüjxmü Onésimü, di'ibüts üj nmädajtypy éxtümdüsü n'u'ungü, ja'a ko üjts ja'a tu ndukmäbeky ja Kristü ko oj xykyu'ixy yaq mäqats ndsimdsyüanü.

¹¹Tähyüp yü Onésimü ni ti tu'unün mgamooyü, per tyam mdu'unxädäbü net yajxón, éxtumüts üj tu xymyädün ja yam. ¹²Nduknigajxümbijtypy jatügok, oyxyüp jyadü'un'ajtpü éxtümdüsü ngu'um jotün. Pes axajü yajxón. ¹³Uj tähyüp tsjäjuna'añ esxyüp 'yakwe'emy müt üj, esxyüp xymyädünüts mä mij mjapaädyüty mäqanümts n'aktsimdsyüanü müt yü'ügyüjxm kots ngajxwa'xy ja oybyü ayuk. ¹⁴Per kyajts njatyimtseyk es xyjatyimpudákudüts püñ kyaj mij mjäuna'añ. Ndsejpyüts esüts xypyudákut müt mij ja mgü'ümdsojkü, paaty kyajts n'ak'yajwu'ümya'añ ja Onésimü ja yam. ¹⁵Wa'anü da Onésimü oj mmastu'udyüty waanü tiempü, es tyam xymyädátü winü xüü winü tiempü, ¹⁶kyaj ñakydyü'ünatü éxtüm

tu'ugü ja'ay juybyü, tyam du'un waanü oy éxtüm tu'ugü mägu'uk di'ibü mjantsytsyejpy. Üj njantsytsyejpyüts byeen, per mij mbátüp es xytsyókut waanü ni'igü, kyajnäm éxtüm ja'ay juybyü, per waanü oy éxtüm tu'ugü mägu'uk di'ibü jemyñüm t'axajü Nindsün'ajtüm.

17 Paqatü mägu'ugítü Filemón, püñ xy'uxkajpüts éxtüm mijü mmümuñduumbü mä yü Nindsün'ajtüm Jesukristü, tunü may'ajtün, axajü Onésimü éxtüm jyawü üj kül'üm xy'axájüts. **18** Püñ tu oynü'ünün mmüdugóyüty, o püñ jaa wi'ix tsöö xumyäju xumyägwéntüty, tukkubajtküts üj mij. **19** Üj Paablü, tyaqadü nja'ayüts mäduñdsü ngü'üm letrü: Üjts ngübátüp. Oy jyambäadüty üj mij ndukjamyetsy ko xumyuni'xy'ajtpüts üj mij mädu mgü'üm jiky'ajtün, mut ko üjtsü dül'un di'ibü mduknija'aju ja Jesukristü ñitsokün. **20** Mägu'ugítü, tunü tyadü may'ajtün di'ibü n'amdeepy nbüjkseepy mut ja Nindsün'ajtüm Jesukristükyejxm, es du'ünuts xyajxonda'agüts. Tun éxtüm tukka'ax'ajtüm mä Kristü.

21 Nnijayü mut ko ndukmu'awdajtüpts ko mguydyúnüp, es nnija'abüts ko mdúñüp waanü ni'igü kudiinüm di'ibü yam n'amdeepy. **22** Nandü'ün n'amdoj es xy'uxküküdüts ja njajttákn, mut ko njajp'ijxypyüts ko mut yü'ugyäjxmü m'amdo'o mbüjktsö'onüty miidsüty, Diósüts xymyo'oyüp esüts n'awa'atspüdsümüts es nüjx ngu'ixtu.

Kajxpo'xün

23 MayDiósuk jyuna'añ ja Epafrüs, yu nmüdsimyjya'ayüts mut yü'ugyäjxmü Jesukristü. **24** Nandü'ün mduknigáxüdü Dioskajxy ja Markus, Aristarkü, Demüs esü Luküs di'ibüts xypyudüjküdüp mä ja tuunk.

25 Wa'an miidsü Nindsün'ajtüm Jesukristü mgunu'xüdü.